

## **6. PENCAPAIAN DAN PENGIKTIRAFAN**

Jabatan Imigresen Malaysia telah mengadakan Hari Inovasi Peringkat Jabatan Imigresen Malaysia Tahun 2017 pada 23 Oktober 2017 sehingga 26 Oktober 2017 di Ibu Pejabat Jabatan Imigresen Malaysia, Putrajaya. Terdapat lebih kurang 20 kumpulan yang menyertai pertandingan kumpulan inovatif dan kreatif. Manakala lebih kurang 16 kumpulan pula menyertai pertandingan Anugerah Inovasi. Pertandingan KIK dan Inovasi kali ini disertai oleh semua negeri di seluruh Malaysia.

Terdapat beberapa kumpulan menyertai kedua-dua pertandingan tersebut dengan membawa tajuk yang sama bagi mendapatkan pengiktirafan di peringkat Jabatan Imigresen Malaysia. Kumpulan Kikers adalah salah satu kumpulan yang telah menyertai kedua-dua pertandingan tersebut dengan mempertaruhkan tajuk yang sama. Kumpulan Kikers telah menyertai pertandingan Anugerah Kumpulan Inovatif & Kreatif, di bawah KIK Primer di dalam bidang Inovasi Penyampaian Perkhidmatan dan dalam kategori Inovasi Penambahbaikan. Selain itu kumpulan juga telah menyertai pertandingan Anugerah Inovasi.

Kumpulan Kikers telah sebulat suara membuat keputusan untuk membawa tajuk 'Merekabentuk Alat Pemeriksaan GID (Genuine Inspection Device)' untuk dipertandingkan di Anugerah Inovasi dan Anugerah Kumpulan Inovatif dan Kreatif Jabatan Imigresen Malaysia Tahun 2017. Sebelum hari pertandingan diadakan, kumpulan telah mendapat pengiktirafan, komen positif dan sokongan pelaksanaan daripada unit yang bertaualiah dari dalam dan luar Jabatan Imigresen Malaysia termasuk syarikat swasta. Antaranya ialah, Unit Pemeriksaan Dokumen Pejabat Imigresen negeri Johor, Unit Forensik Jabatan Imigresen Malaysia, Bahagian Penguatkuasa negeri Johor, Unit Integriti negeri Johor, pintu masuk darat Pejabat Imigresen Bangunan Sultan Iskandar Johor, pintu masuk udara Pejabat Imigresen Lapangan Terbang Antarabangsa Senai, Johor, pintu masuk laut Pejabat Imigresen Pelabuhan Terminal Feri Puteri Harbour, Johor. Manakala jabatan luar yang turut memberi sokongan dengan pelaksanaan projek kumpulan Kikers ini adalah Agensi Penguatkuasaan Maritim Malaysia, Johor. Syarikat swasta yang juga memberikan tindak balas positif berkaitan dengan kepelbagaian fungsi yang terdapat pada alat pemeriksaan GID ini adalah syarikat pengurup wang Ambang Waja Sdn Bhd. Sokongan yang diberikan adalah disebabkan penggunaan alat ini di yakini keberkesanannya 100 peratus untuk membantu para pengguna mengesan ketulenan sesebuah dokumen perjalanan termasuk wang dan lain-lain dokumen atau benda yang mempunyai ciri-ciri keselamatan bagi membuktikan ketulenannya.

Kumpulan kikers juga telah mendaftar alat pemeriksaan GID ini di Perbadanan Intelektual atau Mylpo di Johor Bahru. Ini adalah bertujuan untuk memastikan hakcipta produk yang dibangunkan terpelihara daripada ditiru oleh pihak yang lain.

Pertandingan KIK pada kali ini adalah menggunakan format Horizon Baru. Format ini adalah pertama kali dipertandingkan di Jabatan Imigresen Malaysia. Ahli kumpulan Kikers telah dihantar untuk berkursus bagi mendapatkan format yang akan diberi penilaian pada pertandingan kali ini. Kumpulan juga telah mendapatkan beberapa khidmat nasihat daripada mereka yang bertauliah di dalam bidang KIK Horizon Baru ini.

Pada 23 Oktober 2017, Kumpulan Kikers telah mempersembahkan tajuk 'Merekabentuk Alat Pemeriksaan Ketulenan (Genuine Inspection Device)' di hadapan dua orang juri pertandingan Anugerah Inovasi. Setelah beberapa minit penerangan tajuk dibuat, kumpulan telah diajukan beberapa soalan berkaitan tajuk yang dipersembahkan. Pada 24 Oktober 2017 pula, juri telah membuat tinjauan di ruang pameran yang disediakan oleh ahli kumpulan Kikers. Setiap bahan dan alat yang dibawa ke pertandingan Anugerah Inovasi itu adalah inisiatif kutipan duit ahli kumpulan Kikers sendiri.

Manakala pada 24 Oktober 2017 itu juga, kumpulan telah membuat persembahan di hadapan juri-juri pertandingan Anugerah Kumpulan Inovatif dan Kreatif. Kumpulan telah menyediakan satu persembahan yang menyajikan juri dan para penonton lain dengan teknik persembahan menarik dan berlainan daripada kumpulan lain. Walaupun pada pertandingan kali ini, format Horizon Baru tidak memberikan markah pada persembahan yang diberikan oleh kumpulan yang bertanding tetapi kumpulan Kikers tetap memberikan persembahan yang menarik bagi mencuri perhatian yang lebih daripada juri pertandingan.

Selepas beberapa hari Sambutan Hari Inovasi Jabatan Imigresen Malaysia 2017 berlangsung iaitu pada 26 Oktober 2017, keputusan dua pertandingan yang diadakan diumumkan bagi memberikan anugerah kemenangan dan pengiktirafan kepada kumpulan yang dipilih oleh juri sebagai yang terbaik.

Ketua Pengarah Jabatan Imigresen Malaysia yang diiringi oleh dua orang timbalannya telah bersetuju untuk merasmikan, menutup dan menyampaikan anugerah-anugerah kepada pemenang-pemenang bagi setiap pertandingan dan kategori yang dipertandingkan. Anugerah pertama yang diumumkan adalah Anugerah Inovasi Jabatan Imigresen Malaysia Tahun 2017. Kumpulan Kikers telah dianugerahkan Naib Johan bagi Anugerah Inovasi Jabatan Imigresen Malaysia Tahun 2017. Kumpulan telah mendapat hadiah berupa wang tunai sebanyak RM3000 sebagai naib juara.

Manakala bagi Anugerah Kumpulan Inovatif dan Kreatif pula, kumpulan Kikers telah dinobatkan sebagai Johan Kategori Penyampaian Perkhidmatan di bawah kategori Produk. Kumpulan telah membawa pulang piala pusingan, piala kemenangan dan wang tunai RM5000 habuan sebagai juara pertandingan tersebut. Alhamdulillah.

Pada 26 Mac 2018, kumpulan Kikers telah menyertai pertandingan Konvensyen Team Excellence Peringkat Mini (MTEx) 2018 Wilayah Selatan di negeri Melaka yang dianjurkan oleh Malaysia Productivity Cooperation (MPC). Konvensyen tersebut diadakan sehari sahaja. Terdapat dua kategori yang dipertandingkan pada konvensyen ini iaitu Team Excellence Muda Terbaik dan The Most Promising Project.

Konvensyen ini disertai oleh beberapa jabatan kerajaan dan syarikat swasta. Terdapat lebih kurang 30 kumpulan yang menyertai pertandingan konvensyen tersebut pada tahun ini. Beberapa kumpulan yang mendapat markah yang tinggi akan dipilih untuk dinobatkan Anugerah Emas dan seterusnya melayakkan kumpulan untuk bertanding di peringkat yang seterusnya. Kumpulan Kikers adalah kumpulan yang pertama yang mewakili Jabatan Imigresen Malaysia untuk menyertai pertandingan di Konvensyen Team Excellence anjuran Malaysia Productivity Cooperation (MPC).

Kumpulan Kikers telah mempertaruhkan tajuk sama yang telah memenangi pertandingan di peringkat Jabatan Imigresen Malaysia iaitu 'Merekabentuk Alat Pemeriksaan Ketulenan (Genuine Inspection Device)'. Bagi pertandingan kali ini, pihak penganjur masih menggunakan format kik yang lama untuk dinilai. Berbeza dengan KIK horizon baru, laporan projek yang dihantar mestilah dijelaskan secara terperinci. Berdasarkan pengalaman beberapa ahli kumpulan kikers yang sebelum ni pernah menyertai pertandingan KIK dan Inovasi yang menggunakan format lama, kumpulan Kikers berjaya menghasilkan laporan projek yang antaranya yang terbaik dan berjaya melakukan persembahan pembentangan projek yang menarik.

Kumpulan dengan jayanya membawa pulang dua buah anugerah yang dipertandingkan pada konvensyen kali ini. Anugerah pertama yang berjaya dirangkul oleh kumpulan ialah Anugerah Team Excellence Muda Terbaik. Anugerah ini diberikan kepada kumpulan yang terbaik dikalangan kumpulan-kumpulan yang buat pertama kalinya menyertai Konvensyen Team Excellence. Berdasarkan daripada yang dimaklumkan, terdapat lebih kurang 25 kumpulan baru yang menyertai konvensyen kali ini dan kumpulan Kikers dipilih sebagai kumpulan yang terbaik.

Selain daripada itu, kumpulan Kikers juga berjaya merangkul Anugerah Emas yang sekaligus melayakkan diri untuk bertanding di peringkat seterusnya iaitu Konvensyen Team Excellence (RTEEx) 2018 Wilayah Selatan pada Julai 2018. Alhamdulillah.